

DESCRIPTION DE LA CONTREE, QUI EST SITVEE ENTRE PLEMUDE ET PORTLANDE.

LA contrée située entre Plemude & Portlande, & tresfertile & plaisante : en laquelle se contiennēt les Pays de Deuenschire & Sommerfetschire, qui produisent largement tout ce qui est necessaire à la vie humaine, & autant que les habitans ont à faire : à sçauoir, tout Grain, Bœufs, Moutons, & semblable petit bestail. Sur tout abondē. Deuenschire de Moutons, & tresfine laine.

Car il y a plusieurs montaignes secundes, donnañs pasture bonne a foison aux ouailles, & sont garnies de sources & fontaines. Parquoy se font en Deuenschire les meilleurs Carisēz de ce Royaume en grande quantité, a cause de la multitude de tisserans, tant maistres que vallets : lesquels se transportent à Londre, ville marchande & Capitale du Royaume : d'ou ils s'enuoyent par toute l'Europe, & puis en Barbarie ou Afrique, & autres Protiñces du grand Turc. Les marchans & drapiers d'Allemaigne, ont bonne cognoissance des Carisēz de Deuenschire, car ils les estimēt pour les meilleures.

Les contrees de Deuenschire & Sommerfetschire sont biē peuplées de gens, & villes non closes. Il y a grande noblesse, & personnes de grande autorité ; comme sont Contes, Barons, Cheualiers, & autres gentils-hommes ; lesquels quand il est besoing, sont prompts & adroictés a la defension de la patrie. Or ceste contrée est fort plaisante & commode à la chasse : parquoy journellement s'y font diuers & plaisans exercices, propres a la noblesse : ils chassent Cerfs, Biches, Cheureuls, Bicheteaux, & autres inoindres bestes sauuaiges. En Esté prennent grand plaisir a la volerie, principalement du Faucon. Les habitans sont bien instruiets & nourris ; ils portent honneur & amour a leurs Seigneurs & Magistrats : & viuent de la Draperie & d'Agriculture.

Et combien que tant seulement vne partie de Sommerfetschire soit confine a ceste contrée, si est elle neantmoins cōprinse sous icelle, veu qu'elle s'estend de Deuenschire iusques au Goulfe de Bristo. Bristo est lieu digne de memoire, & vne des villes principales de l'Angleterre, située commodement au goulfe de la mer. Toutesfois la negociation, & trafiques marchandes n'y sont pas grandes, par la faute de fleuves Mediteranes, par lesquels les marchandises se pourroyēt a val l'eau mener es autres contrées. Car la ville est ciruie des montaignes : & transporter les marchandises en charettes & cheuaux de voiture, ce seroyent grands fraiz & chere voiture. Mais nous en parlerons plus amplement en la description de la contrée de Londres.

La Seigneurie de Sommerfeth, est vn Duché : toutesfois ores sans Duc. Le dernier Duc de Sommerfeth, estoit Curateur ou Protecteur ordonné, de Feu Roy Edoart sixième : lequel fut long temps en tresgrande autorité pres du Roy, & de tout le peuple fort aymé, pour la louable & prudente administration du Royaume. Mais en fin ayant inuenté quelque loy nouvelle, la mesme stant ratifiée du Senāt Royal, luy fut cause de mort & ruine,